

«Արմավիրի մարզպետ Էդվարդ Հովհաննիսյանի շնորհավորանքի խոսքը Ազգային անվտանգության ծառայության աշխատակիցներին՝ մասնագիտական տոնի առթիվ

20.12.2022

Մեր հայրենիքի պատմության ընթացքում անվտանգության մարմինները եղել են պետության հուսալի ողնաշարը: Եվ մենք, իրավամբ, հպարտանում ենք նրանց աշխատակիցների սխրանքներով, ովքեր անձնվիրաբար ծառայել են հայրենիքին, ապահովել են ժողովրդի անվտանգությունը, պաշտպանել են «քաղաքացիների օրինական շահերն ու իրավունքները՝ նպաստելով հասարակության կայուն ու բնականոն զարգացմանը:

Ազգային անվտանգության ծառայության հարգելի՛ աշխատակիցներ, այս օրը երախտագիտության ամենաջերմ խոսքերն են ուղղում ձեզ՝ ձեր պրոֆեսիոնալիզմի, տոկունության ու անձնուրացության համար:

Դուք իրականացնում եք կարևոր ծառայություն, որը պահանջում է մասնագիտական պատրաստվածության բարձր մակարդակ, սկզբունքայնություն, անմնացորդ նվիրվածություն հայրենիքին:

Պետականության անվտանգ գոյության ապահովման կարևորագույն առաքելությունը գերակա նշաձող դարձնելով, պահպանելով կայունությունը հասարակության և տնտեսության մեջ՝ պատասխանատվությամբ իրականացնում եք ամենաբարդ և հաճախ կյանքի համար վտանգավոր խնդիրները:

Համոզված եմ, որ ձեր կուտակած հարուստ փորձն ու մասնագիտական հմտությունները կշարունակեն ծառայել Հայաստանի Հանրապետության ազգային շահերի ապահովմանը, մեր պետականության հետագա ամրապնդմանն ու զարգացմանը:

Եվս մեկ անգամ ջերմորեն շնորհավորելով՝ մաղթում եմ ձեզ քաջառողջություն, բարեկեցություն, խաղաղություն և աշխատանքային ձեռքբերումներ՝ հանուն Հայաստանի Հանրապետության և Հայաստանի Հանրապետության քաղաքացու անվտանգության: